

Pola Epesusnandmo tiratna timbiŋ rapar

Outna kam

Na gan timbiŋ raparna minij gaird, Raraŋ Aetaniaca reikmo muruŋcamijmo Karaisna kaŋgaukca puninande, na anna gan tiacarpaiknanapa tamuŋna auŋnan. Te, Karaisa ma an reik muruŋcamijna paŋan ndeacnandet. Na u gan timbiŋ raparna sapta 1 wes 10na inikca wat. Na Raraŋ Aetaniaca ma ndo ŋgoinna meikramtaira moa ŋgepca, mina Karaisap gidikca mikca iro kabea eacnan.

Na gan timbiŋ raparna outna kamb tipmo, Pola Raraŋ Aetaniacna kadmaina kamb wit anikca mboprina, na anna meikramtairmo muruŋa moi mina Karaisa ripaca, mina tumbunna tikca wiwit kabe ndarurina. Na Iesusna aij mbuŋ tik, Raraŋ Aetaniaca meikramtairmo mac nda aŋgirina. Na ma minmo ŋeroŋ Ratta neaŋrina, na anna mana ŋgagatrac, ma minmo baburinanna reik laiŋga monandet. Na u gan timbiŋ raparna sapta 1 wes 14na inikca wat, ma an ndeacrenan. Na anna iŋmbaina timbiŋ raparna kamb tipca ma gairdoprinan, Iesusa ripacrena laiplacara Karaisap mik te, mina iroar inkara kabe ŋgoinna moca, mina Raraŋ Aetaniacna tipemb kirarira raŋgairanande.

Na gan timbiŋ rapar mbuŋa Pola kamb rour puŋga meikramtairmo mataua wandacrina, mina Karaisap mikrinan, na mina meikramtairta wiwit kabea ndarurina. Na ma gairdoprina, Raraŋ Aetaniacna meikramtair, mina tik umbum kabe, na Karaisa ma an tik umbumna paŋan. Na u gan timbiŋ raparna sapta 4 wes 1 taŋca wes 16na inikca wat, ma an ndeacrena. Na Raraŋ Aetaniacna meikramtaira kac ianna kirar toc, na Karaisa ma an kacna

wit. Na u gan timbiŋ raparna sapta 2 wes 19 taŋca wes 22na inikca wat, ma anna eacrena. Na Raraŋ Aetaniacna meikramtaira mina meac ianna kirar toc, na Karaisa ma an meacna kaŋgaitna kirar toc. Na u gan timbiŋ raparna sapta 5 wes 22 taŋca wes 32na inikca wat te, ma an ndeacrena. Na gan timbiŋ rapar mbuŋa aia matau ŋgoinna watrena, an reik laiŋga Raraŋ Aetaniaca ndona meikramtairmo monande.

Karais mbuŋ tik Raraŋ Aetaniaca aimo moca aia meikramtair ŋgaib ndarurina

(1–3)

¹ Aku Pol, aku Karais Iesusna up aŋgirena ramoot. Na Raraŋ Aetaniaca ma ndona toŋtoŋ mbuŋa aukmo larapacatna, na aku mana up aŋgirena ramootta larurina. Na ne Raraŋ Aetaniacna meikramtaira Epesus auŋ aniaca eacrenan, ne Karais Iesusmo matau ŋgoinna ripacrenanmo, aku gan timbiŋ rapara tirca neaŋga makipek. ² Na aina Aet Raraŋ Aetaniacapa Kacoot Iesus Karaisa, nenmo kadmaica nena iroar inkarmo moi wewet-taca laŋ ndeacnandet.

*Karais mbuŋ tik Raraŋ Aetaniaca aimo tamuŋna auŋna reik
laiŋga muruŋa neaŋrina*

³ Aintik aia Raraŋ Aetaniacna imo aŋgi ŋgepraŋ, na ma Raraŋ Aetaniac, na ma aina Kacoot Iesus Karaisna Aet. Na Karais mbuŋ tik, ma aina ŋerŋgaurmo otacna moca, ma aimo tamuŋna auŋna reik laiŋ laiŋga, muruŋ-camiŋa neaŋrinan. ⁴ Na atu ŋgoinna Raraŋ Aetaniaca gan tiacarpaikca mo ŋgocor ndeacri, ma aimo larapaca

1:1 Up 18.19-21, na 19.1, na Ro 1.1, na 1.7, na 1 Ko 1.1, na Kol 1.1 1:2 2 Ko 1.2, na Gal 1.3, na Kol 1.2, na Ta 1.4 1:3 Epe 2.6 1:4 In 15.16, na 17.24, na Ro 8.28, na Epe 5.27, na Kol 1.22, na 2 Te 2.13, na 2 Ti 1.9, na Ie 2.5, na 1 Pi 2.20

aia Karaisap mikrenan, te, aia rat ndeacnandet, na aia meikramtair wandoik lainj ndeaca, mana lamniac ngoutta mitkar kocor. ⁵ Na atu ngoinna ma aimo mamatji ngoinap tik, ma aimo larapacatna, na aimo mac nda angina aiya Iesus Karaisa morinan mbuja aia mana mombonik tarunande. Na mana iro tojtorj mbuja Raraj Aetaniaca ainda moatna. ⁶ Na an moonnuoca ma matjirinan ngoinna i mbuj tik, Raraj Aetaniaca ma aimo kakadmai ngoin. Aintik aia mana kakadmai aniacna lamjina moca, aia Raraj Aetaniacna i aniacmo angj ngeprañ.

⁷ Na Raraj Aetaniacna kakadmaica minna tikri. Na Karaisa menacatke, aimo mac nda oikri, na mana racaindpaik mbuja Raraj Aetaniaca aina tipemb ngorikta makukarmo muruñcamiya moa kecamariri. ⁸ Na ma ndona kakadmai aniacmo, aimo muruñcamiya neañgatna, ri, ma aimo kaina iroar lainjapa landamjiar lainjmo ma aimo neañjrinan. ⁹ Na atua Raraj Aetaniaca ma Karaisna airj mbuja mona reaca ma lamjica eacrena. Ainda moca mana an iroa ma ingoroca eacrena, na mandeaca ma aimo an iromo wandacrina. ¹⁰ Na an reaca ma monanna anna gaind, ma an reacmo tijara moca taj, taj, ma ndo larapacatna ra laru te, ma gan tiacarpaikapa tamuñna aujna reikmo Karaisna kañgaukca puninandet. Te, Karaisa an reikmo muruñcamiya ma anna pañanna witikca eacnandet.

¹¹ Na Raraj Aetaniac, ma ndona tojtorjapa mana iroa ranjairenan, na ma reikmo muruñcamiya moca larurena.

1:5 In 1.12, na Ro 8.29-30, na 2 Ko 6.18, na Gal 4.5 1:6 Mt 3.17, na In 3.35, na Ro 3.24, na 5.15, na Kol 1.13 1:7 Up 20.28, na Epe 2.7, na Kol 1.14, na 1.20, na lb 9.12, na 1 Pi 1.18-19 1:9 Ro 16.25, na Epe 3.4, na 3.9-11, na Kol 1.26, na 2 Ti 1.9 1:10 1 Ko 3.22-23, na Gal 4.4, na Pil 2.9-10, na Kol 1.16, na 1.20, na lb 1.2, na 1 Pi 1.20 1:11 Ro 8.17, na 8.28-29, na Kol 1.12, na Ta 3.7, na le 2.5, na 1 Pi 1.4

Na Karais mbuj tik, ma atua aimo Iudanandmo larapaca aia manap mikca mana wiwitna meikramtair koind tarurinan. ¹² Na aia Iudana wiwitnanna, aia out ngoinna Karaisa ripaca mana lambirena. Aintik aia Raraj Aetaniacna i aniacmo memetmbaca anggi ngeprañandet.

¹³ Na ne toco Iudana meikramtair wanaiñmo, ne toco kam gidikmo waracrina. Na anna an kam wembar laja, Raraj Aetaniaca nenmo mac nda angirinan. Aintik ne Karaismo ripacrina. Ainda moca ne Karaisap mikrina, na ma baburina Heron Ratta, ma anna ranğaica nenmo neayrina. Na an ngagatraca nenmo wandacrina, ne mana wiwitna meikramtair koind. ¹⁴ Ainda moca aia lamjirinan, aia Heron Ratmo angirina. Na inmbaia ai toco kabena reik lainğa, muruñcamiña Raraj Aetaniaca ndona meikramtairmo babuca neay ndoprinanna, aia anginandet. Na aia an reik angina lambirenan, na an minna Raraj Aetaniaca aimo mac nda oik te, aia mana mombonik toc ndarunandet. Te, an aiñir gagarca ma morinanna, aia an ndamjica mana i aniacmo anggi ngeprañandet.

Polama Raraj Aetaniacmo mbendeica ma Epesusnanmo iro landamñiar laiñ neayna

¹⁵ Na aku waracrina kamma ne Kacoot Iesusmo matau ngoinna ripacrena, ainda moca ne ndorita matamjimo, Raraj Aetaniacna meikramtairmo muruñcamiña neayrena. ¹⁶ Na memetmbaca aku mbendeirenanna, memetmbaca aku nenmo lamjirenan, na aku Raraj Aetaniacmo kam laj neayrena. ¹⁷ Ainda moca aku aina Raraj Aetaniacmo mbendeirenan, na ma aina Kacoot Iesus Karaisna Raraj Aetaniac. Na ma Aet aniac,

1:13 2 Ko 1.22, na 6.7, na Epe 4.30, na Kol 1.4-6 1:14 Lk 21.28, na Ro 8.23,
na 2 Ko 1.22, na 1 Pi 2.9 1:15 Kol 1.4 1:16 Pil 1.3-4, na Kol 1.3, na 1 Te
1.2 1:17 Kol 1.9

na ma gargarapa memetacna tac aniacap eacrenan. Na aku mbendeica mana kamna minija lamjina mori, ma nemo iroar lainga neanndet. Te, ne manmo matau ngoinna lamjirañndet. ¹⁸ Na aku tonggorinanna, ma nena iroarmo tijar lainga mo, te, ne matau lamjina, an reicka ma nenmo garacrinanna, ne anginndet, na an reikta moca ne anna lambica eacrenan. Ainda moca ne an reik laiñ laiñta ndamjina, na an reicka Rarañ Aetaniaca morinanna, anna aia mana meikramtairtan. ¹⁹ Te, ne gaind ndamjinndet, an mana gargara ma memetmbaca aia manmo ripacrena meikramtairmo otacrenan, na anna bagarianiac ngoin. Na mana gargara aia nganngina minna wanaiñ. Na mana an gargar aniaca aimo aiña morenan. ²⁰ Na ma ndo ngaua Karaisap aiña morinan. Na Rarañ Aetaniacna gargar mbuña Karaisa menacrinanna, ma manmo moa mac nda ñgeprinan. Ri, manmo tamuñna auña angica tanja ma mana par umbaiambiracatna. ²¹ Ainda moca Karaisa ma titocna ñerñgaurapa, ramtair pañaindapa, gan tiacarpaikna ramtair pañaindapa, an gargarapna reikap, ma minmo muruñcamijmo tamuñ ngoin ndeacrenan. Na mandeacna minapa, iñmbaiap, an ramtair mina irembapnanmo, ma minmo tamuñ ngoinna eacrañndet. ²² Ainda moca Rarañ Aetaniaca reikmo muruñcamija Karaisna kanngaukca tikrinan, na mana reikmo ma muruñcamija pañanna witikrinan, na an tipna kirara ma Iesusna ritipaikta meikramtairta tumnambta pañan ndeacrenan. ²³ Na Iesusna ritipaikta meikramtairta tumbuna, anna

1:18 Up 26.18, na Epe 2.12, na 4.4, na Kol 1.12 1:19 Epe 3.7, na Kol 1.11, na 1.29, na 2.12 1:20 ñap 110.1, na 2 Ko 13.4, na Kol 1.16, na 2.10-12, na 3.1, na Ib 1.3 1:21 Ro 8.38, na Pil 2.9-10, na Kol 2.10, na 2.15, na Ib 1.4
 1:22 ñap 8.6, na Mt 28.18, na Kol 1.18, na Ib 2.7 1:22 Kol 1.18 1:23 Ro 12.5, na Epe 4.10, na 4.15, na Kol 2.9, na 3.11

Karaisna tik. Na ma reikmo muruŋcamiŋna inikca eacrenan, na ma minmo minna tikrinan. Na mana Iesusna ritipaikta meikramtairta tumnambmo, ma min ŋgoinna tikrinan.

2

Aia menacrina meikramtaira Raraŋ Aetaniaca aimo moa aia Karaisap iarwara eacnande

¹ Na ŋgaua ne ainta mitkara moca ne tipemb ŋgorikta makukarap, na anna ndo nenmo moca ne menacrina meikramtair toc ndeacrina. ² Ainda moca an minna ne gan tiacarpaikna tipemb ŋgorikca ranŋaica taŋrena. Na ne riac tamuŋna ŋerŋgaur ŋgorikta ramoot paŋanna tipemb kirarira ranŋairenan. Na an ŋeroŋna gargara mandeaca ma meikramtaira Raraŋ Aetaniacna kammo nda ipuŋrenanmo, mina nikinik iroar inkarmo aiŋa morenan. ³ Na ŋgaua aia muruŋa an wiwitap eacrinan, na aia ndorita nikinik iroar bagrar ŋgorikta toŋtoŋgar tiŋgikca ranŋairenan. Na aia an iroar inkar bagrarapa aina toŋtoŋgarta iroara ranŋairena. Na an minna aia aind ndeacri, an meikramtaira muruŋa an tipemb kirarira morinanna, mana opoik ŋgoreaca Raraŋ Aetaniaca anŋi kocrorinanna, aia an anŋina min ŋgoin.

⁴⁻⁵ Na anna gidik, aina tipemb ŋgorikta makukara aimo mo menaca, aia menacrina. Na aia kocnaia menaca eacrena meikramtair toc. Ainda moca Raraŋ Aetaniacna kakadmaina opotaca minna tikca eacri, na ma aimo mamatŋi aniaca neaŋrina. Ri, ma aimo moca aia Karaisap iarwarna eteacna watap eacri. Na anna laŋ,

2:1 Epe 4.18, na Kol 1.21 2:1 Kol 2.13 2:2 In 12.31, na Epe 5.6, na 6.12, na Kol 1.21, na 3.6-7, na Ta 3.3 2:3 Ro 5.12, na Gal 5.16, na Kol 3.6, na Ta 3.3, na 1 Pi 4.3 2:4-5 Lk 15.24, na 15.32, na Up 15.11, na Ro 5.6-10, na 6.4-5, na 6.13, na 10.12, na Epe 1.7, na 2.1, na 2.7, na Kol 2.12-13

Raraŋ Aetaniacna kakadmaina opotac mbuŋa ma aimo mac nda aŋgĩrina. ⁶ Aında moca ma aimo Karais Iesusap moa ŋgeprinan. Ri, ma aimo moca aia Karaisap mana tamuŋna auŋna gagirirta ramoot paŋanna, mbiracrena taupca aia manap mbiracrinan. ⁷ Na Karais Iesusna aiŋ mbuŋa ma aimo an tiŋ kirar laŋa morenan, aında moca ma ndona kakadmai bagaraniacmo aia meikramtaira Iesusmo riŋpacrenanmo, iŋmbaina minmo ma memetmbaca wandacnandet. ⁸ Na ne Karaisa riŋpacri tik, Raraŋ Aetaniacna kakadmai mbuŋa ma nenmo mac nda aŋgĩrinan. Na nemo mac nda aŋgĩrina aiŋa, ne ndori puŋga mba mori, wanaiŋ. Anna ma nenmo wanaiŋa neaŋrina aiŋ. ⁹ Aintik anna nena aiŋa morena opoikca wanaiŋ. Aında moca ramoot ianna ma ndona i aŋgĩ ŋgepna minna wanaiŋ. ¹⁰ Aında moca Karais Iesus mbuŋa ma aimo moca, aia meikramtair ŋgaib tarurina. Te, aia tiŋ kirar laŋna taupca taŋna, na anna ma ŋgaua ainanmo kocroca aia an mbuŋa taŋnandet.

Iesusa puŋnaŋgepca morena tiŋ kirarmo moa kecarica an tumbunniŋmo aŋgia kabe mamori

¹¹ Aında moca ne lamŋirenan, Iudana wiwitna ramtaira mina ndorita paŋr puŋga ndorita tikemb iŋirmo kat-acrena. Na mina nenmo gaindoprena, “Ne tikiŋita mba katacrena ramtair.” Na an kambca mina ndorita tikembca morina tiŋpemb kirarir. Aında moca ne matau lamŋi, atua ne Iudana meikramtair wanaiŋ ndeacri, ¹² aintik an kidrikca ne Karaismo tawanmbaica eacrina. Na ne Israelna wiwitmo raekmbai ndeacrinan. Na an

2:6 Epe 1.20, na Kol 2.12 2:7 Epe 1.7 2:8 In 4.10, na Ro 4.16, na 10.14-17, na Pil 1.29, na 2 Ti 1.9, na Ib 6.4 2:9 Ro 3.20, na 3.27, na 4.2, na 1 Ko 1.29-31, na 2 Ti 1.9 2:10 1 Ko 3.9, na 2 Ko 5.5, na 5.17, na Epe 4.24, na Ta 2.14 2:11 Ro 2.28-29, na 1 Ko 12.2, na Epe 5.8, na Kol 1.21 2:12 Ro 9.4, na 9.8, na Gal 4.8, na Epe 4.18, na Kol 1.21, na 1 Te 4.5, na 4.13

minna Raraŋ Aetaniaca Israelnanmo kam leaca minmo babuatnanna, ne minmo raekmbai ndeacrena. Na ne gan tiacarpaikca eacri, na ne iŋmbaia lambina reac laŋ ian ŋgocor. Aintik ne Raraŋ Aetaniacmo lamŋi ŋgocor. ¹³ Aında moca atua ne tawanmbaica eacrina. Na mandeaca Karaisna racainda nenmo aŋgica kīpca ne Karais Iesusap mīkri, na ne Raraŋ Aetaniacmo rambuŋ ŋgoinna eacrena. ¹⁴ Na Karaisa ndo aimo moca aia nīkinik iro wetwetta eaca, mbibirac laŋga eacrenan. Na ŋgaua Iudanaŋgepca mina kabena wiwitnanmo puŋnaŋgepca morinan, aında moca an puŋnaŋgepna tīp kirara, ma wuoca moca, Iudananapa kabena wiwitna meikramtairmo rikca witikca eacrenan. Na Karaisna tik mbuŋa ma an wuocmo riŋga irikca ma an puŋnaŋgepna tīp kirara moca maiatna. Ri, ma an wiwitniŋmo moca maniŋa wiwit kabe malaruat. ¹⁵ Na ma ndona tik umbum mbuŋa ma Tīp Wandikapa mana kamb tīpembapa wandik tikrena tīpembca ma mo kecaririna. Na ma aında morinanna, ma an wiwitniŋmo aŋgica tumbunna tikca, mina ramoot ŋgam ian toc ndarunandet. Ri, an tīpna kirar mbuŋa ma aimo moca aia nīkinik iro kabea eacnandet. ¹⁶ Aintik ma ik nakeraca menacrinanna, ma an wiwitniŋmo aŋgica tumbun kabea tikca, tik kabea moatna. Na an ikna kekerac mbuŋa ma an atuna puŋnaŋgepna tīp kirara ma mo menacrinan. ¹⁷ Na ma kīpca kam wembaŋ laŋmo gainda wiwitiatna, “Mandeaca ne nīkinik iro wetwet kabea eacrenan.” Na an kam wembaŋ laŋa ma nenmo tawanmbaia eacrenanapa, rambuŋa eacrena

2:13 Gal 3.28, na Epe 2.17, na Kol 1.20 2:14 Ais 9.6, na Mai 5.5, na In 16.33, na Up 10.36, na 1 Ko 12.13, na Kol 1.20, na 2.14 2:15 2 Ko 5.17, na Gal 6.15, na Epe 4.24, na Kol 1.20-22, na 2.14, na 2.20 2:16 Sek 9.10, na Ro 6.6, na 8.3, na Kol 1.20, na 2.14 2:17 Ais 57.19, na Sek 9.10, na Up 2.39, na Ro 5.1

meikramtaïrmo, ma wiwitirinan. ¹⁸ Na aia iro kabea eacrina, na anna Karais mbuŋa aia tumbun mbuniŋa Ŋeroŋ kabeap, na man mbuŋa ma taup gootca aia Aet ndambuŋa taji laruna min.

Aia Iesusa riŋpacrena laiplacar aia Raraŋ Aetaniacna Kac gidik

¹⁹ Na mandeaca ne tiacarpaik ŋgocorta meikramtaïrta kirara mba eacrenanna, wanaŋ, ne Raraŋ Aetaniacna meikramtaïr koinda eacrenan. Na ne Raraŋ Aetaniacna wiwitnan. ²⁰ Ainda moca ne Raraŋ Aetaniaca morina kacna kirar. Na ma aimo up aŋgirena ramtaïrapa, rambca morena ramtaïrmo kacna witiŋ toc aŋgia witiŋkrina. Na Karais Iesusa ma an kacna riŋkna wit. ²¹ Na an kacna gagrira Karais nambatta eacrenan, aintik mina muruŋ-camiŋa mataua miŋkca eacrena. Ainda moca Raraŋ Aetaniaca, ma an kaca moca taŋrena, na an kaca ma acnaica taŋrenan, na ma Raraŋ Aetaniacna Kaca eacnandet. ²² Na ne toco, Karaisap miŋkca eacrena, aintik Raraŋ Aetaniaca nenmo aŋgica mana meikramtaïrap miŋkrinan, te, ne mana kac gidik ŋgoin ndarunandet. Te, manapa Ŋeroŋ Ratta an kaca eacnandet.

3

Pola kabena wiwitna meikramtaïrmo kam wembaŋ laŋ wiwitina aiŋap

¹ Ainda moca Raraŋ Aetaniaca nenmo matau ŋgoinna morena, na aku Pol aku Karais Iesusna aiŋa morena ramoot, na aku nenmo Iudana meikramtaïr wanaŋmo

2:18 Ro 5.2, na 1 Ko 12.13, na Epe 3.12, na Ib 4.16, na 1 Pi 3.18 2:19 Gal 6.10, na Epe 3.6, na Pil 3.20, na Ib 12.22-23 2:20 Mt 16.18, na 1 Ko 3.9-11, na Gal 2.9, na KIEK 21.14 2:21 1 Ko 3.16-17, na 2 Ko 6.16, na Epe 4.15-16, na Kol 2.19 2:22 1 Pi 2.5 3:1 Epe 4.1, na Pil 1.7, na 1.13, na Pm 1.1, 9

otacna aiŋa morenan, aintik aku kac ŋgoreaca eacrenan. ² Aında moca aku lamŋirena, ne mawaracat, Raraŋ Aetaniaca ma aukmo kadmaica, aukmo gan aiŋa mona larapacrinan, na aku morena aiŋa Raraŋ Aetaniaca nenmo toca kadmaica, ma aukmo an aiŋa mona nen ŋgotacna nearŋrinan. ³ Na Raraŋ Aetaniaca morina reikta kambca, atua ma ŋgoroca eacrenan, na ma ndo aukmo moa polorinan. Aında moca aku anna ninini emtemma tiratna. ⁴ Na ne an kamma wat te, ne gaind ndamŋinandet. An ŋgoroca eacrena kambca, Karaisa mana aiŋa morenanna, aku matau ŋgoinna lamŋirenan. ⁵ Na atu ŋgoinna, Raraŋ Aetaniaca an ŋgoroca eacrena kambca, ma meikramtairmo raekca mba wiwitirena. Na mandeaca ŋeroŋ Rat mbuŋa Raraŋ Aetaniaca aimo up aŋŋirena ramtairapa, rambca morena ramtairmo raekca wiwitirenan. ⁶ Na an kamma gaind, kam wembaŋ laŋ mbuŋa ne Iudana meikramtair wanaiŋa mandeaca ne aiap mikri, na aia tik kabe malaruri. Na Raraŋ Aetaniaca aimo muruŋcamiŋa larapacrina reikca, Karais Iesusa aimo nearŋ ndoprenanna, aia muruŋcamiŋa maanŋiri. ⁷ Na Raraŋ Aetaniaca aukmo moca aku gan kam wembaŋ laŋa wiwitirena aiŋa morena ramoot ndarurina. Na ma aukmo kadmaica ma ndona gargara aukmo neanŋa aku gagraca gan aiŋa monandet. ⁸ Na aku Raraŋ Aetaniacna meikramtairmo pikin kaŋgauk ŋgoinna eacrenan, na ma an nake mba lamŋiri, ma aukmo kadmaica ma an aiŋa aukmo neanŋatna. Na an aiŋa, aku Iudana meikramtair wanaiŋmo kam wembaŋ laŋmo wiwitina. Aında moca gan kam wembaŋ laŋa ma Karaisna reik laiŋ, laiŋta kamb ndoprenan, na aia meikramtaira anmo nduna minna

3:2 Kol 1.25 3:3 Epe 1.9-10, na Kol 1.26 3:4 Kol 1.26-27 3:6 Gal 3.14, na 3.28-29, na Epe 2.13-19 3:7 Kol 1.23-25 3:8 1 Ko 15.9-10, na Gal 1.16, na Epe 1.7, na Kol 1.27, na 1 Ti 1.13-15

wanaij, na aia anmo ritrina minna wanaij. ⁹ Na Raraŋ Aetaniaca ma reikmo muruŋcamiŋa kocnaia morinan. Na atua ma ndomo, mo ndopatna tipemb kirarira, ma ndona iroa tikca iŋgoroca eacrena. Ainda moca an iroa atu ŋgoinna iŋgoroca eacrenan. Na mandeac ma aukmo aiŋa neaŋga aku mana iromo wiwiti laru raekca tikca meikramtaira garacna. ¹⁰ Na atua ma anmo aŋgica iŋgoroca eacrenan. Na mandeaca ma ndona Iesusna ritipaikta meikramtairta tumbunmo, moca larurina, na an tipna kirar mbuŋa, ma titocna iroar laiŋapa landamŋiarmo moi raekca tiknandet. Te, tamuŋna auŋna mbaiŋna aiŋa morena ŋerŋgaurapa, ŋerŋgaur gargarmo, moa mina Raraŋ Aetaniacna iroara lamŋina. ¹¹ Na atu ŋgoinna Raraŋ Aetaniaca ma an reikta aiŋa mona iroap. Na aina Kacoot Karais Iesusna aiŋ mbuŋa, ma moca korwirinan. ¹² Ainda moca aia Karaisa ripacrenan, na aia mba irik mbiraca nanambirenan. Ri, aia matau ŋgoinna lamŋirena, Karaisa ripacrenanna, anna ma aina Raraŋ Aetaniac ndambuŋa taŋga larurena taup. ¹³ Aintik mandeaca aku nenmo aind mambopek, an girgira aku nenmo otacna aŋgiatnanna, ne an nake kai lamŋi teac, moca nena ritipaca iriknandet. Kari ŋgoin. Na an reaca larurenanmo ne tongo, ma nenmo otaca ne Raraŋ Aetaniacap laŋ ndeacnandet.

Pola Epesusnanmo gagaraca eacna mbendeirina

¹⁴⁻¹⁵ Ainda moca aina Aetta morina reikta moca, aku an ndamŋireke, aintik aku manmo tutupniŋ rimbitrena. Na ma tamuŋna auŋapa pitrikna tiacarpaikna wiwit

3:9 Ro 16.25, na 1 Ko 2.7, na Epe 1.9, na Kol 1.16, na 1.20, na lb 1.2 3:10
 Ro 8.38, na 11.33, na Epe 1.21, na 1 Pi 1.12 3:12 In 14.6, na Ro 5.2, na Epe
 2.18, na lb 4.16 3:13 Kol 1.24 3:14-15 Epe 1.10, na Pil 2.9-11

murujcamiņa Aet. Na ma ndo ņgoinna, an wiwit-tarmo i neaņgatna. ¹⁶ Na aku gaimda mbendeirena, aina Aet, ma reik laiņ, laiņa moca nenmo neaņrena, aintik ma ņeroņ Rat mbuņa nena iroar inkarmo mbukca minna tikrinan. Te, nenmo moca ne gagaraca eacnandet. ¹⁷ Na nena ritipaik puņga Karaisa ma nena nikinik iroar teacnandet. Na kabena meikramtairmo matņirena tipemb kirarira, nena nikinik iroarmo mbuki minna tik te, ne gagraca witikca eacnandet. Na anna ma gaimd, tiarpaikca ikna iacnduk utiņa, ikca moa gagaraca witikca eacrena kirar toc. ¹⁸⁻¹⁹ Ainda moca nena Raraņ Aetaniacna meikramtaira murujcamiņa gargar aņņinandet, te, Karaisna kabena meikramtaira matņina tipna kirarmo, ne matau ņgoinna lamņinandet, mana aniacapa, mana rocotapa, mana tamuņapa, mana pikinap. Na anna gidik, Karaisna kabena meikramtairmo matņirena tipna kirara ma landamņiarmo tamuņmbai, na ne manmo matau lamņinandet. Na reik laiņa Raraņ Aetaniacmo minna tikca eacrenan, na mina nen motoco minna tiknandet.

²⁰ Na Raraņ Aetaniacna gargara aina nikinik iroarmo aiņira morenan, ainda moca an gargara aina iroarmo tamuņmbai ņgoin. Na an reikca aia manmo mona digirenanna, an reikca mina mana ņgaņgaņņģina minna wanaiņ ņgoin. ²¹ Ainda moca memetmbaca iarwara Iesusna ritipaikta meikramtairta tumbuna, Raraņ Aetaniacna i aniacmo Karais Iesusna i mbuņa aņģi ņgepca taji iņmbaina minna tiknandet. Na anna gidik.

Aia Karais Iesusna tik toc ndeaca Raraņ

3:16 Ro 9.23, na 2 Ko 4.16, na Pil 4.19, na Kol 1.11, na 1.27 3:17 In 14.23, na Epe 2.22, na Kol 1.23, na 2.7 3:18-19 In 1.16, na Ro 10.3, na 10.11-12, na Epe 1.18, na 1.23, na Kol 2.2, na 2.9-10 3:20 Ro 16.25, na 1 Ko 2.9, na Kol 1.29 3:21 Ro 11.36, na 16.27, na Ib 13.21

Aetaniacna tipemb kirarirmo ranğairanğa

4

(4—6)

Aia Iesusna ritipacna meikramtaıra aia Karaisna tik toc

¹ Aku Pol, aku Kacootna aına morenan, aıntik aku kac ngoreaca eacrenan. Na aku nenmo gagraca mambopek, Raraņ Aetaniaca nena ngacrina ataca ne manmo matau ngoinna ranğai, na ma tonğorena tipna kirara, ne wandoņa taņraņ. ² Na ne kabena ritipaikta meikramtaırmo, ndorita irembmo kai anğı ngep teac, ne mina kanğauk ndeac, na minmo kaega kai mo teac, minmo laņan wetwetta mo, na mina nenmo makukca neaņ te, ne nikca kai tawi kat teac, na mina nenmo makukca neaņ te, ne kabe, kabea minmo mamatņina tip kirara moran, na mina nenmo neaņrina mitkarmo ne mbuk. ³ Na nikinik iro kabena eteacna tipna kirarapa, nikinik iro wetwetta eacrenan tip kirara ņeroņ Ratta aimo neaņrina, na an tipna kirara ma ngatikna kirara aimo leaca aia wiwit kabe mamoaat. Aında moca ne gagaraca an tip kirarmo utiņ. ⁴ Na ņeroņ Rat kabe niņgikapa, tik umbum kabe niņgikca eacrenan. Aında moca Raraņ Aetaniaca nenmo aca ne reac kabe niņgikna lambi, na reik laiņa ma aimo monanna, ma moca minna tiknandet. ⁵ Na Kacoot kabe niņgikca eacrenan, na ritipacna tip kirar kabe niņgikapa kitac puk kabe niņgikca eacrenan. ⁶ Na Raraņ Aetaniac kabe niņgikca eacrenan, na ma aina muruņcamıņna Aet kabe. Aında moca ma meikramtaırmo muruņcamıņa tamuņmbai, na ma meikramtaırmo muruņcamıņna rikca

4:1 Epe 3.1, na Pil 1.27, na Kol 1.10, na 1 Te 2.12, na Pm 1.1, 9 4:2 Up 20.19, na Gal 5.22-23, na Kol 3.12-13 4:3 Kol 3.14-15 4:4 Ro 12.5, na 1 Ko 12.4, na 12.11-12, na Epe 1.18, na 2.16-18 4:5 In 10.16, na 1 Ko 1.13, na 2 Ko 11.4, na Gal 3.27-28, na Ib 6.6 4:6 Ro 11.36, na 1 Ko 12.6

aiņa morenan. Na meikramtaïrmo, ma muruņcamiņa mina inkar teacrenan.

⁷ Na Karaisa aimo kabe, kabemo reac aniac laņ ņgoinna wanaiņa neaņrinan, aintik Raraņ Aetaniaca aimo kabe, kabemo kakadmai aniac ņgoin neaņrina. ⁸ Ainda moca Raraņ Aetaniacna timbigta kapca gaindoprinan,

“Ma tamuņ ņgoin nagarinan,
na ma tuombnaņgepta meikramtaïrap
aņģica manap matangat.

Na meikramtaïrmo
ma reik laiņa wanaiņa neaņrinan.”

⁹ Na gan kamma, “Ma tamuņa gacatna” mana miņiņa gaid, ma aimo Karaisa tamuņa gaga niņģikca mba wandacrina. Wanaiņ. Outta Karaisa tamuņa auņ ndeacri, na ma gan tiacarpaik mairikat. Na iņmbaia ma tamuņ mac nda gacnandet. ¹⁰ Na gan ramoot, ma ņgaua gan tiacarpaikca irikatnanna, ma toco ma tamuņa gacnandet. Na ma tamuņa riacara guiarmo kunda tamuņa auņmo gacatna, te, ma reikmo moca miņna tiknandet. ¹¹ Na ma ndo an reik laiņa meikramtaïrmo wanaiņa neaņrinan, ndeidmo ma up aņģirena ramtaïrta aiņira neaņrina, na ndeidmo rambca morena ramtaïrta aiņira neaņrina, na ndeidmo ma kam wembaņ laņa wiwitia auņembca taņna aiņira neaņrina, na ndeidmo ma riņipacna tumbunna ņģinaņna aiņa monanapa, ririptina aiņira neaņrina. ¹² Na Karaisa aimo Raraņ Aetaniacna meikramtaïrmo, an aiņir laiņa ma wanaiņa neaņrinan, na aimo otaca aia mana aiņmo laņa monan. Te, Karaisna tikca ma gagaraca laņ

4:7 Ro 12.3, na 12.6, na 1 Ko 12.11 4:8 Iņap 68.18, na Kol 2.15 4:9
In 3.13 4:10 Ib 4.14, na 9.24 4:11 Ro 12.7, na 1 Ko 12.28, na 2 Ti 4.5
4:12 1 Ko 12.7, na Epe 1.23, na 2 Ti 3.17

ndeacnande. ¹³ Na an aiņa ma aimo moca taņi aina ritīpaikca gidik ņgoin ndarunandet, te, aia nikinik iro kabe ņgoinna eacnandet, na aia muruņcamiņa Raraņ Aetaniacna Nuocmo matau ņgoinna lamņinandet. Na aina ritīpaikca ma meikramtaīr anik toc ndaruca, aimo moi gaganandet, te, Karaisa ndo aņģirina tīpna kirar laņa aia aņģinandet. ¹⁴ Na aia mombonik tekernoikca, mba mac eacitndai, na an wai aoca meikramtaīrmo matau ņgoinna paparuna kam mbuņa mboprena ramootna kamma, ma watapa macaitta kormo rukria taņrena kirara mba rukri taņitndai. Na kora tamtamca utia, mana tataņna taupca wandoņa mba taņitndai. Na aia ainda mba eacitndait. ¹⁵ Ainda moca ainta kamb ņgorikmo, aia ndorita kourmo kai tiki warac teac. Kari ņgoin ndacari. Na aia kabena meikramtaīrmo, mamatņina tīpna kirarmo raņģairāņ, na minmo kamb gidkar tiņģikca mbopraņ. Te, aia meikramtaīr gagarca laruca aia Karaismo matau mīkna, na ma aina paņan. ¹⁶ Na aina kabe, kabena tikemb umbumbura ma moca, mina mīkca aiņira morenan. Na aina tikca gagrirapa budira utiņa gagaraca eacrenan. Ainda moca aina tik umbumbura ndorimo, kabe kabea ndorita aiņira morena, na an tīpna kirara aina tikca ma gagaraca acnairenan, na kabena meikramtaīra mamatņina tīpna kirara ma raņģairena.

Ritīpacna meikramtaīra Karaisna tīp kirar ņgammo raņģairāņ

¹⁷ Ainda moca aku nenmo kam gargar mbuņa Kacootna i mbuņa mambopek, ne an Iudana meikramtaīr wanaiņa rīpac ņgocorta tīpemb kirarira kai raņģaica taņ teac.

4:13 1 Ko 14.20, na Kol 1.28, na 2.2 4:14 Ais 28.9, na 1 Ko 14.20, na 2 Ko 2.17, na Ib 13.9 4:15 Epe 1.22, na 4.25, na Kol 1.18, na 1 Io 3.18 4:16 Kol 2.19 4:17 Ro 1.21, na 1 Pi 1.14

Mina iroara rorerina. ¹⁸ Na mina iroara ŋgorik, na mina neaup maeacreke. Na mina iroar laiŋ kocor, aintik mina iroar inkara mboraca mina Raraŋ Aetaniacna eteacna watmo raekmbaia eacrenan. ¹⁹ Na mina morena t̄ipembta kirarira mina numbira mba morenan. Na mina an t̄ipemb kirarir ŋgorikta inikca mbukca, mina iroar inkara ŋgepca, mina ainta t̄ipemb ŋgadudukar ŋgorikmo, memetmbaca mona iroarap.

²⁰⁻²¹ Na aku lamŋirena, ne Karaisna kammo ne waracrina, na mina nenmo Iesusna kam gidikca riptirinan. Na aku lamŋirena, mina nenmo an t̄ipemb kirarir ŋgorikca, an rīpac ŋgocorta meikramtāira morenan mbuŋa, mba riptirena. ²² Na ŋgaua ne toco, an nena nikinik iroar bagrar puŋga taŋrinan, na mana t̄ipemb kirarira, paparurenan, na nikinik iro ŋgoreaca ŋgepca t̄ip kirar ŋgoreaca monandet, na an t̄ip kirara ndo unmo taup ŋgoreaca warkica taŋca ŋgocairena. Aintik mandeaca ne an t̄ipemb kirarir bagrarmo, mo kecar. ²³ Na ne Raraŋ Aetaniacmo wattacarica, ma nena iroarmo moi ŋgaib tarunandet. ²⁴ Te, ne meikramtāir ŋgaib laiŋ ndarunandet. Na meikramtāira Raraŋ Aetaniaca riacrinanna, mina meikramtāir ŋgaib ndaruca mina Raraŋ Aetaniacna kirar toc ndeacnandet. Na an t̄ipna kirar mbuŋa mina t̄ipemb kirarira wandoik koind, na rat ŋgoin.

²⁵ Ainda moca ne paparuna t̄ipemb kirarirmo tikcari. Na aia muruŋcamiŋa tik kabena t̄ip kirar ndeacrenan, aintik ne muruŋcamiŋa kabena rītipacna meikramtāirmo kam gidik niŋgikca mbopraŋ. ²⁶ Na ne nikkat te, ne ndorimo wat. Moca ne t̄ipemb ŋgorikta makukara mo

4:18 Up 26.18, na Gal 4.8, na Epe 2.12, na 1 Te 4.5 4:19 Kol 3.5 4:22 Ro 6.6, na 8.13, na Epe 2.2-3, na 4.17, na Kol 3.9, na Ib 12.1, na 1 Pi 4.3 4:23 Ro 12.2, na Kol 3.10 4:24 RL 1.26, na Ro 6.4, na Epe 2.10, na Kol 3.10 4:25 Sek 8.16, na Ro 12.5, na Kol 3.8-9 4:26 ŋap 4.4, na Ie 1.19-20

nari. Na moca nena nikkakatta eaca ra irik nari. ²⁷ Na moca ne Paparuna Ramootmo taup tik nari. ²⁸ Aında moca reik macmakimna meikramtaıra, mina reicka kai makim teac, kari ngoin. Na mandeaca mina aijira morañ. Aintik mina aijirmo ndorita par mbuņa morañ te, mina reik wit laiņ anņinandet. Na an reik matpirina meikramtaırmo, mina minmo otacna min. ²⁹ Na nena upembta kambca, kamb ngorik koında kai mbop teac. Kari ngoin ndacari. Na ne kamb laiņ tingik topañ te, ne kabena meikramtaırmo moi gagranandet. Na ainta kambca, ma Raraņ Aetaniacna kakadmaimo, meikramtaıra mana kamb mbaracrenanmo anņica taņrena. ³⁰ Na ne Raraņ Aetaniacna ņeroņ Ratmo, kakadmaina makukca kai neaņ teac. Na Raraņ Aetaniac, ma nenmo ņeroņ Ratta neaņrinanna, anna ne mana larapacatna meikramtaır koında wandacrena, na an ra ma nenmo mac nda anņina kip te, ne mitkar kocor koında wanaiņa eacnandet. ³¹ Na ne nikinik iro ngoreacapa, nikkakatapa, tipemb ngorikmo muruņcamijmo, mo kecari, na runduņapa, nikkatca kam aniaca kerenanapa, peperena kam ngoreac tocmo, mo kecari. ³² Aintik ne kabena ritipacna meikramtaırmo, tipemb kirarir laiņa mo, na mimo iroar nikinikar wetwet laiņa mo. Na ne mina tipemb ngorikta makukarmo, mo kecari. Na an tipna kirara Raraņ Aetaniaca nena tipemb ngorikta makukarmo Iesusna i mbuņa moca kecaririnan, aında moca ne toco, mina tipemb ngorikta makukarmo, mo kecari.

4:27 2 Ko 2.10-11, na 1e 4.7, na 1 Pi 5.9 4:28 1 Te 4.11, na 2 Te 3.8, na 3.11-12 4:29 Epe 5.4, na Kol 3.8, na 3.16, na 4.6, na 1 Te 5.11 4:30 Ais 63.10, na Ro 8.23, na Epe 1.13-14, na 1 Te 5.19 4:31 Kol 3.8, na 3.18-19, na Ta 3.2-3, na 1 Pi 2.1 4:32 Mt 6.14, na 18.22-35, na Mk 11.25, na 2 Ko 2.10, na Kol 3.13

5

Aia memetacna memetac mbuŋa taŋraŋ

¹ Aintik Raraŋ Aetaniaca ma nena moca mamatŋi ŋgoiŋ, na ne mana mombonik teacrena. Ainda moca ne an mana morena t̄ipemb kiraririmo raŋgairaja. ² Aintik ne kabena meikramtāirimo mamatŋirena t̄ipemb kirarirap taŋraŋ, na an t̄ipna kirara, Karaisa aimo matŋirenan. Na ma ndona eteacna watnan nearŋga aimo otacatna. Na ma Raraŋ Aetaniacmo ndona eteacna watta nearŋrinanna, ma an ḡimbambara iŋpai tarar laŋapna kirar toca nearŋrinan.

³ Ainda moca meacramootna kaŋtertaapna t̄ipemb kirarir ŋgorikca kai mo teac, na kaina t̄ipemb ŋgadudukar ŋgorikmo, muruŋcamiŋa kai mo teac, na reik laiŋ, laiŋga aŋḡica witta mona iromo kai aŋḡi teac. Na an reikta kamna t̄ip emtemma nena rikca kai laru teac. Na aia Raraŋ Aetaniacna meikramtāira ainta kambta kirarira ndopna minna wanaiŋ. ⁴ Na ne kamb ŋgadudukapa, ŋaŋaona kambapa, taŋbugainna kamb ŋgorikca kai mbop teac. Na ainta t̄ipna kirara aia mona minna wanaiŋ. Na aia Raraŋ Aetaniacmo kam laŋ nearŋ te, anna laŋ. ⁵ Na ne gainda matau lamŋirena, meacramootna kaŋtertaapna t̄ipemb kirarirapa, kaina t̄ipemb ŋgadudukar ŋgorikcapa, reik laiŋ, laiŋga aŋḡica witta mona iroarmo kai aŋḡi teac, ainta meikramtāirta t̄ipemb kirarira anna mina miŋpembraraiŋta dawara mbendeirena kirar, na ainta meikramtāira mina Karaisapa Raraŋ Aetaniacna bubuoca mba mbukitndai.

⁶ Na ne ndoritake, matau wat, moca ne paparuna

5:1 Mt 5.48, na Lk 6.36 5:2 NA 29.18, na TN 1.9, na ŋJap 40.6, na In 13.34, na Ro 14.15, na 2 Ko 2.15, na Gal 2.20, na Ib 7.27, na 10.10, na 1 Io 3.11, na 3.23

5:3 Ro 6.13, na 1 Ko 5.1, na 2 Ko 12.21, na Kol 3.5, na 1 Te 4.3 5:4 Mt 12.35, na Ro 1.28, na Epe 4.29 5:5 1 Ko 6.9-10, na Gal 5.19-21, na Kol 3.5

5:6 Ro 1.18, na Kol 2.4, na 2.8, na 2 Te 2.3

meikramtairta kamb kamndera ranğaica, anna ndo nenmo wiņa, ne an tı̄pemb kirarir ŋgorikca ranğai nari. Na ainta tı̄pembta kirarir koindta moca, Raraŋ Aetaniaca ndona kambmo nda mboprena meikramtaırmo nikka-trena. ⁷ Aında moca ne ainta meikramtaırmo kai pitkumi taŋ teac. ⁸ Na ne ŋgaua neaupna inik ndeacrina, na mandeaca Kacootta nenmo memetaca tı̄krinan. Aintik nena tı̄pembta kirarira an memetaca eacrina meikramtairta kirar toc ndeacraŋ. ⁹ Na memetaca ma reik laiŋta tı̄pemb kirarirapa, tı̄pemb kirarir wandoikapa, kamb gidkara mbopi laruna reac laŋ. ¹⁰ Aında moca ne towaica Kacootta toŋgorena landamŋina tı̄pemb kirarirmo ne anği. ¹¹ Na ne kai neupa ranğaica tı̄pemb ŋgorikca morena meikramtaırap kai pitkumi taŋ teac. Ainta tı̄pna kirara ma gagam laņa mba mo larurenan. Wanaiŋ. Na ne ainta tı̄pna kirara meikramtaırmo gaimda wandac, anna laņa wanaiŋ. ¹² Na an tı̄pemb kirarira mina iŋgorooca morenanna, aku mba mac mbopi laruitndai. Wanaiŋ. Na aku an reikta kamb ndondopca numbira morenan. ¹³ Na memetaca ma iŋgorooca eacrena tı̄pemb kirarirmo, moi laruca mina muruņa raekca waekekeca eacnandet. ¹⁴ Na an minna memetaca reac ianna moca raek waekekeca laru te, an reac toco, ma memetac toc ndarurenan. Aında moca kam tı̄p ianna eacrenan, na ma aindoprina,

“U mandaia mandeaca ŋgorenanna,
 u ŋgepnandet.
 Te, u muk ndiŋ mac nda ŋgepnandet.
 Na Karaisa unmo memetaca nearŋnandet.”

5:8 In 12.36, na Up 26.18, na Ro 1.21, na 2 Ko 3.18, na Epe 2.11-13, na Kol 1.13, na 1 Pi 2.9, na 1 Io 2.9 5:9 Gal 5.22 5:10 Ro 12.2, na Pil 1.10, na 1 Te 5.21, na 1 Ti 2.3 5:11 Ro 6.21, na 1 Ko 5.9-11, na Gal 6.8, na 2 Te 3.6, na 3.14, na 2 Io 1.10-11 5:13 In 3.20-21, na Ib 4.13 5:14 Ais 26.19, na 60.1, na Ro 13.11

¹⁵ Aında moca ne ndorita t̄ipemb kirarirta moca matau wat. Na ne ramootta landam̄ji kocorta kirara kai taŋ teac, wanaiŋ. Ne an ramootta landam̄jiap taŋrena ramootna kirar toca taŋraŋ. ¹⁶ Na mandeaca ne Raraŋ Aetaniacna t̄ipna kirara mona ŋgaŋgaŋgiap. Na mandeacna minna aia eacrenanna, anna k̄idrik ŋgoreac, aintik ne ndoritake, matau wat, na ne reik lainḡa moraiŋ, moca an k̄idrikca wanaiŋa taŋ nari. ¹⁷ Na ne ŋaŋaona t̄ipemb kirarira kai mo teac. Wanaiŋ. Ne Kacootna toŋtoŋna t̄ipna kirarmo, ne matau lam̄jiraŋ.

¹⁸ Na ne wain pukca kai amca rore teac. Ainta t̄ipna kirara nenmo mo ŋgocrairen̄an. Na ne Raraŋ Aetaniacna Ŋeroŋmo watcarica, ma nenmo mbuki minna t̄ik. ¹⁹ Na an minna ne Raraŋ Aetaniacna meikramtāirap kamb ndop te, ne an ŋaparta timbigta kapca eacrena ŋaparmo umb, na Raraŋ Aetaniacna i aŋgi ŋgeprena ŋapar motocmo umb, na Ŋeroŋ Ratta nena nikinik iroara t̄ikrina ŋaparmo umb. Na ne an ŋaparmo ndorita upapa, nikinik iroar puŋga Kacootmo umb. ²⁰ Na memetmbaca ne reik muruŋna moca, ne aina Kacoot Iesus Karaisna i mbuŋa, ne Raraŋ Aetaniac Aetmo kam laŋa neaŋraŋ.

Meikramtāir laŋtaŋgoarta kambca Pola an ndoprinan

²¹ Na ne meacramoot kabe, kabea Karaismo toriraŋ, na ne Raraŋ Aetaniacna meikramtāirmo kabe, kabena kaŋgaukca eacraŋ.

²² Na ne meikpitikca, ne ndorita kaŋterta kaŋgaukca eacraŋ, an t̄ipna kirara ne Kacootna kaŋgaukca

5:16 Gal 6.10, na Kol 4.5 5:17 Ro 12.2, na Kol 1.9, na 1 Te 4.3, na 5.18
 5:18 ML 20.1, na Ais 5.11, na 5.22, na Lk 21.34 5:19 Ŋap 33.2-3, na Up
 16.25, na 1 Ko 14.26 5:19 Kol 3.16-17 5:20 Ŋap 34.1, na Ais 63.7, na Ib
 13.15, na 1 Pi 2.5 5:21 Pil 2.3, na 1 Pi 5.5 5:22 RL 3.16, na Epe 6.5, na
 Kol 3.18, na 1 Pi 3.1

eacrenan. ²³ Na anna gaind, ramootta ma ndona meacmo pañanmbai ndeacrena, na an kirara Karaisa ma Iesusna ritipaikta meikramtairta tumnambta pañanmbai ndeacrena. Na Iesusna ritipaikta meikramtairta tumnambca mina Karaisna tik, na Karaisa manmo mac nda anjirinan. ²⁴ Na Iesusna ritipaikta meikramtairta tumnambca Karaisna kañgaukca eacrenan. Aintik ne meikpitik toco, ne memetmbaca ne ndorita kañterta kañgaukca eacrañ.

²⁵ Na ne ramtair, ne ndorita meikmo mataui matñirañ, na an tipna kirara Karaisa Iesusna ritipaikta meikramtairta tumnambmo matñirena, ma ndona eteacna wat neaᅅga Iesusna ritipaikta meikramtairta tumnambmo otacatna. ²⁶ Aintik ma pukapa, mana kamb puᅅga, ma Iesusna ritipaikta meikramtairta tumnambmo ruca, ma minmo moca mina Raraᅅ Aetaniacna lamniacmo rat ndarurinan. Na an tipna kirar mbuᅅa Karaisa Iesusna ritipaikta meikramtairta tumnambmo moca, mina manan ᅅgoin ndarurinan. ²⁷ Na ma an Iesusna ritipaikta meikramtairta tumnambmo, moa mina mana lamniacmo taror laᅅ ᅅgoin ndaruna mori, te, an Iesusna ritipaikta meikramtairta tumnambmo, mina patiᅅapa, rirapa ainta reik kocor. Wanaiᅅ. Na an Iesusna ritipaikta meikramtairta tumnambca, mina ratarapa makukar kocor ndeacraᅅna. ²⁸ Aında moca an tipna kirar mbuᅅa, ne ramtair, ne ndorita meikmo matau matñirañ, na an tipna kirar motocmo ne ndorita tikembmo matñirena. Na ramootta ma ndona meacmo mataua matñirenanna, ma ndo ᅅgoinmo ma matñirenan. ²⁹ Na aia lamñirena, ramoot ianna ma ndona tikmo puᅅnaᅅpeca mba

5:23 1 Ko 11.3, na Epe 1.22-23, na Kol 1.18 5:25 Gal 1.4, na Kol 3.19, na 1 Pi 3.7 5:26 In 15.3, na 17.17, na Ta 3.5, na Ib 10.10, na 10.22, na 1 Io 5.6
5:27 2 Ko 11.2, na Epe 1.4, na Kol 1.22

morenan. Wanairj. Ma manmo amna reaca nearjrenanna, na ma manmo matau raupjirenan, na an tipna kirara Karaisa Iesusna ritipaikta meikramtairta tumnambmo ainda morenan,³⁰ na an tipna kirara aia Karaisna tikna umbumburta kirar toc.³¹ Na Raraŋ Aetaniacna timbigta kapca gaindoprena, “Ainda moca ramootta ma ndona aemaetmo tikcarica ndona meacap mikrenan, na maniŋa tik kabe ndarurena.”³² Na an kam roora, ma ndona iro aniacap. Na aku ndo mbuŋa, Karaisapa mana Iesusna ritipaikta meikramtairta tumnambta, kam ndoprena.³³ Na an kamma aku mboprenanna, anna ramoot kabe, kabemo aindoprenan, ne ndorita meikmo matau ŋgoinna matjiraŋ, na an tipna kirara ne ndorimo matjirena kirar. Ainda moca meikpitikca mina ndorita kaŋtermo toriraŋ.

6

Pola mombonikapa aemeraeterta kamb ndoprina

¹ Na ne mombonikca, ne ndorita aemaetna kambca raŋgairaj. Na ne muruŋa Kacootmo mikca eacrenan, na an tipna kirara anna tip wandoŋa, ne anna raŋgaia morenan.² Na Raraŋ Aetaniacna timbigta kapca aindoprina, “U ndona aemaetna kaŋgaukca eaca mina kamb mbaraca raŋgairaj.” Na anna Mosesna outna tipca, ma bababuna kammapp eacrenan.³ Na an baburina kamma ma gaindoprina, “U ainda mo te, an aiŋira u muruŋa morenanna, mina laiŋga larunandet. Te, u gan tiacarpaikmo kidrik, rocotta eacnandet.”

⁴ Aintik ne aetera, ne ndorita mombonikta nikinik iroarmo kai mo ŋgocrai teac, na minmo moa mina

5:30 Ro 12.5, na 1 Ko 6.15, na 12.27, na Epe 1.22-23 5:31 RL 2.24, na Mt 19.5, na Mk 10.7-8, na 1 Ko 6.16 5:32 Kol 3.19, na 1 Pi 3.6, na KIEK 19.7
6:1 ML 23.22, na Kol 3.20 6:2 Mt 15.4 6:2 NA 20.12, na TW 5.16
6:4 TW 4.9, na 6.7, na 6.20-25, na Iŋap 78.4, na ML 19.18, na 22.6, na Kol 3.21

nenmo nikkat nari. Na ne Kacootna lamniac ngoutmo ne tipemb kirarir lainga matau mo te, nena mombonikmo mataui wandonjairaj. Na minmo Kacootna kambmo ripti neajraj.

Pola tuombta aiñir kamndera morena ramtaïrapa mina ramtaïr pañaindta kamb toprina

⁵ Na ne tuombta aiñir kamndera morena meikramtaïr, ne ndorita gan tiacarpaikna ramtaïr pañaindta kanjaukca eacraj. Na ne minmo rugutta moraj, moca ne mina lamnik ngoutta, tipemb kirarir wandoik lainga mba moitndaiit. Na memetmbaca ne iroara moa gargara ne aiñ laiñ ningikca moraj. Na an tipna kirarir kabe mbuja, ne Karaisna aiña morenan. ⁶ Na moca ne mina wai aocna landamñiap, na mina nenap rambuña eac te, ne minmo aiñir lainga morajna. Wanaiñ. Na ne gaimd ndamñiraj, ne Karaisna tuombta aiñir kamnderta aiña morena meikramtaïra eacrenan. Te, nena iroar inkara Raraj Aetaniaca ranjaina tonjonap. ⁷ Ainda moca ne iroar laiñ anjica aiñira moraj. Na ne ramootna aiña mba morenanna. Wanaiñ. Ne Kacootna aiñ ngoinna morenan. ⁸ Na ne lamñirena, ramoot ianna ma aiñmo mataui laña mo te, Kacootta manmo opoik laña neajndet. Na anna ma titocna ramoot, ma tuomna aiñ kamaindna aiña morena ramoot, co, ma tuomna aiñ kamaindna aiña mo ngocorta ramoot.

⁹ Na ne ramtaïr pañaind, ne toco tuombta aiñir kamndera morena ramtaïrmo, tipemb kirarir lainga moraj. Na ne minmo moa nanambia rugut morena tipemb kirarirmo minmo kai mo teac. Na Kacootta ma tamuñna auñ ndeacrenan. Ma nena Kacootapa minan toc, na ma

6:5 2 Ko 7.15, na Pil 2.12, na Ta 2.9-10, na 1 Pi 2.18 6:5 Kol 3.22-25 6:8
2 Ko 5.10, na Gal 3.28, na Kol 3.11 6:9 TW 10.17, na Ro 2.11, na Kol 3.25,
na 4.1

meikramtairta tipemb kirarirmo ma iro kabe mbuŋa ritri waparaca morenan.

Iesusa riŋpacrena laiplacara lapoca ruŋrena ramtair toc ndeacna

¹⁰ Ainda moca mandeaca aku ndona kambmo gaima mamaina mamoeŋ, na ne Kacootmo mamikri. Aintik ne mana gargar aniacna ndamŋiraj te, ne gagaraca witiknande. ¹¹ Na Raraj Aetaniaca nenmo neaŋrina runduikta lamboirmo muruŋa aoc te, ne gagara witikca Paparuna Ramootna paparuna tipemb kirarir muruŋmo, ma iŋgoroca ma morenanmo ne ndanandet. ¹² Na ne matau lamŋi. Aia meikramtairap mba ruŋrenan. Wanaiŋ. Aia gan tiarpaikna ŋerŋgaur ŋgorikca gargarapnana, gan tiarpaikna bubuocrena ŋerŋgaurapa, kainta reik ŋgorikca gargarapnana, aia minmo gan neaupdiriŋ aniacna tikca ruŋrenan. Na an riac tamuŋna ŋerŋgaur ŋgorikcap tocmo ruŋrenan. ¹³ Ainda moca ne an Raraj Aetaniaca nenmo neaŋrena runduikta lamboirmo muruŋa aŋgi aoc, na kidrik ŋgoreacna minna, ne gagara witikca ruŋnandet. Na runduŋa mai te, ne gagaraca witikca eacraŋnandet.

¹⁴ Na ne witik gagarana mo te, ne kam gidikmo weaond tocmo ndorita riktacniŋa leac, na tip kirar wandor laŋmo nena rugut paŋanna wawarana reac toc aoca leac. ¹⁵ Na ne Raraj Aetaniacna kam wembaŋ laŋmo wiwitina kocro, ma meikramtairmo nikinik iro wetwet kabeap morenan, na an tipemb kirarirmo ne ndorita our ŋgapoik toca moca aoc. ¹⁶ Na ne an runduikta reikmo muruŋa aŋgi, na

6:10 1 Ko 16.13, na Epe 1.19, na 3.16, na Kol 1.11 6:11 Ro 13.12, na 2 Ko 6.7, na 10.4, na Epe 4.14, na 1 Te 5.8 6:12 In 12.31, na 14.30, na Ro 8.38, na 1 Ko 15.50, na Kol 2.15, na 1 Pi 5.8-9 6:13 2 Ko 10.4, na Epe 5.16 6:14 Ais 11.5, na 59.17, na 2 Ko 6.7, na 1 Te 5.8 6:15 Ais 40.9, na 52.7, na Nau 1.15, na Ro 10.15 6:16 1 Io 5.4

ritipacna tip kirar motocmo ne angî, te, Ramoot Îgoreaca nenmo tacapna ondaik puŋga riŋ te, ne an mbuŋa ram aoca utiŋ gagraca ndorimo wawarana reaca mona. ¹⁷ Na ne Raraŋ Aetaniacmo gaind ndamŋi, ma nenmo mac nda aŋgîrinan, na an landamŋia nena paŋanna wawarana reac toc. Te, ne Îjeronŋ Ratna bugrimmo utiŋ, anna ma Raraŋ Aetaniacna kam. ¹⁸ Na Îjeronŋ Ratna gargar mbuŋa ne memetmbaca mbendeiraŋ. Na ne gagraca kaina mbendeia moraŋ te, ne Raraŋ Aetaniacmo opotacna digiraŋ. Na memetmbaca ne ndorita moca matau watraŋ, te, ne an tipna kirara mba tikcariitndai. Na ne wikca kai angî teac. Na memetmbaca ne mbendeiraŋ, na Raraŋ Aetaniacmo digica, ma ndona meikramtaïrmo otacna. ¹⁹ Na ne Raraŋ Aetaniacmo digica ma auk motocmo otacna. Na aku tongorenanna, ne gainda mbendei, te, Raraŋ Aetaniac aukna upmo kam tikna. Te, aku ndona namnaimbca mo iriknan, na iŋgoroca eacrena kam wembaŋ laŋmo aku gidikca wiwiti larunandet. ²⁰ Na Raraŋ Aetaniac, ma ndo aukmo mbagîrica taŋga, aku gan kam wembaŋ laŋmo wiwitirenan. Na anna minîŋna moca aku kac îgoreac ndeacrena. Na Raraŋ Aetaniaca ma aukmo kam wembaŋ laŋmo wiwitina aiŋa neaŋrinan, ainda moca ne Raraŋ Aetaniacmo mbendeia ma aukmo mo gagranan. Te, aku ndona namnaimbca mo irikca meikramtaïrmo gagraca wiwitina.

Pola Raraŋ Aetaniacmo digica ma minmo laŋa mona

²¹ Ainda moca Tikikusa ma nenmo auk morena aiŋna kammo, nemo mbopi waracnandet. Na Tikikusa ma

6:17 Ais 49.2, na 59.17, na 1 Te 5.8, na Ib 4.12, na KIEK 19.15 6:18 Mt 26.41, na Lk 18.1, na Ro 12.12, na Kol 4.2, na 1 Te 5.17, na 1 Ti 2.1 6:19 Up 4.29, na 2 Ko 3.12, na Kol 4.3-4, na 2 Te 3.1 6:20 2 Ko 5.20, na Pil 1.20, na Pm 1.9-10 6:21 Up 20.4, na Kol 4.7-8, na 2 Ti 4.12, na Ta 3.12 6:21 Kol 4.7-8

aina Iesusa rîpacrena laiplacarta ramoot ian ŋgoin, na ma Kacootna aiŋa mona ramoot laŋ. ²² Na aku manmo mandaca ma kîp te, ne lamŋinandet, aia titoc ndeacrenan. Te, ma nena iroar inkara moi gagrana.

²³ Ainda moca Raraŋ Aetaniacapa Kacoot Iesus Karaisa, ne Iesusa rîpacrena laiplacar muruŋmo nena iroar inkara moi wewettaca laŋ ndeacnandet. Te, ma nenmo moca ne gagrada rîpacnan, na kabena meikramtaïrmo matŋina. ²⁴ Te, Raraŋ Aetaniaca ma an kakadmaina tîpna kirara, meikramtaïra muruŋcamiŋa aina Kacoot Iesus Karaismo matŋirenanmo, memetmbaca manmo matŋjiraŋnandet. Te, Raraŋ Aetaniaca ma nenmo muruŋcamiŋa ndona kakadmaica neaŋnandet.

Rararj Aetaniacna Kam Wembarj Larj
New Testament in Mborena Kam language
Nupela Testamen long tokples Mborena Kam long Niugini

Copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 19 Jul 2019 from source files dated 14 Dec 2018

8e1073ed-d2dc-5f3a-bb48-5406185123a7